



Regionalni centar Tuzla

Broj: 02/6-1/II-07-1-01/09-2

Tuzla; 24.12.2009 godine

Na osnovu člana 66. Zakona o porezu na dodanu vrijednost („Službeni glasnik BiH“ broj 9/05, 35/05, 100/08), člana 127. Pravilnika o primjeni Zakona o porezu na dodanu vrijednost („Službeni glasnik BiH“ broj 93/05, 21/06, 60/06, 6/07, 100/07 i 35/08), te člana 8. Instrukcije o postupku uvođenju posebne šeme dužnika („Službeni glasnik BiH“ broj 35/08), Šef Grupe za prinudnu naplatu RC Tuzla rješavajući po službenoj dužnosti d o n o s i

R J E Š E N J E

1. UVODI SE POSEBNA ŠEMA DUŽNIKA KOKAPRODUKT d.o.o. društvo za peradarsku proizvodnju, sa sjedištem na adresi Armije BiH 5a u Gračanici, ID broj: 4209268210009, PDV broj: 209268210009, za dug po osnovu poreza na dodanu vrijednost u iznosu od 116.265,90 KM.
2. Poreski obveznik – dužnik u svoje fakture unosi sljedeću klauzulu: **“Iznos PDV-a naveden u ovoj fakturi se plaća Upravi sa pozivom na naš identifikacioni broj (ID broj: 4209268210009, PDV broj: 209268210009”.**
3. Primalac isporuke - kupac plaća iznos PDV-a direktno Upravi i to do 5. u mjesecu za prethodni poreski period. U istom roku primalac isporuke - kupac dužan je dostaviti Upravi listu sa podacima za prethodni poreski period, za svakog registrovanog poreskog obveznika-dužnika sa:
 - Iznosom zadržanog PDV-a
 - Identifikacionim brojem isporučioaca dobara ili usluga
 - Identifikacionim brojem primaoca dobara ili usluga koji je zadržao iznos PDV-a.
4. Posebna šema se primjenjuje od dana objavljivanja u Službenom glasniku BiH.
5. Poreski obveznik - dužnik obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno sa uvjerenjem o registraciji za PDV.
6. Žalba ne odlaže izvršenje rješenja.
7. Ovo rješenje će biti objavljeno u „Službenom glasniku BiH“ i u tri najčitanije dnevne novine.

O b r a z l o ž e n j e

Grupa za prinudnu naplatu RC Tuzla po službenoj dužnosti a na osnovu činjenica utvrđenih u postupku prinudne naplate i stanja duga na kartici poreskog obveznika – dužnika KOKAPRODUKT d.o.o. iz Gračanice započela je postupak uvođenja dužnika u posebnu šemu radi obezbjeđenja naplate duga po osnovu poreza na dodanu vrijednost evidentiranog u programu Alice u iznosu od 116.206,90 KM od čega iznos od 98.444,00 po osnovu glavnog duga, iznos od 2.560,20 KM po osnovu 10% naknadnog tereta prinude i iznos od 15.261,70 KM po osnovu zatezne kamate na dan donošenja ovog rješenja.

U postupku prinudne naplate poreza na dodanu vrijednost, za svaki porezni period za koje je podnesena prijava samooporezivanja a ista nije izmirena u skladu sa članom 39. Zakona o porezu na dodanu vrijednost, dužniku je izdat nalog za prinudnu naplatu na osnovu izvještaja o dugu. Shodno navedenom a temeljem odredbe člana 45. Pravilnika o provedbi zakona o postupku prinudne naplate indirektnih poreza („Službeni glasnik BiH“ broj 21/06) dana 01.06.2007. godine izdat je Nalog za pljenidbu cjelokupne postojeće i buduće imovine dužnika.

Saglasno odredbi člana 13. Zakona o postupku prinudne naplate indirektnih poreza u BiH („Službeni glasnik BiH“ broj 89/05) nije bilo moguće vršiti pljenidbe novčanih sredstava dužnika na blagajni a svi računi otvoreni kod banaka su blokirani. Dužnik je vlasnik nepokretne imovine koja je zaplijenjena na osnovu Pismene izjave o pljenidbi nepokretne imovine i predbilježba registrovana kod Zemljišnoknjižnog ureda Općinskog suda u Gračanici na osnovu Rješenja broj 027-0-Dn-07-001 336 od 11.10.2007. godine. Pljenidbom i prodajom jednog teretnog i jednog putničkog motornog vozila umanjen je dug dužnika za ukupan iznos od 36.910,00KM. Osim toga, pljenidbom novčanih potraživanja dužnika izvršenom po prijedlogu dužnika, zaplijenjen je iznos od 1.389,80 KM.

Kako dužnik više nema imovinu čijom pljenidbom bi se dug mogao namiriti, nastavio je s poslovanjem usljed kojeg se dug kontinuirano uvećavao, a istovremeno nije poduzimao mjere u cilju izmirenja duga, stekli su se uslovi da Grupa za prinudnu naplatu saglasno odredbama člana 66. stav 3. Zakona o porezu na dodanu vrijednost i člana 127. stav 1. Pravilnika o primjeni Zakona o porezu na dodanu vrijednost započne postupak uvođenja posebne šeme dužnika „KOKAPRODUKT“ d.o.o. Gračanica

Na dan donošenja ovog rješenja utvrđen je iznos duga od 116.265,90 KM a koji je utvrđen na osnovu izdatih naloga za prinudnu naplatu, prema sljedećoj tabeli (struktura i period iz kojeg potiče):

Red. br.	Period duga	Broj naloga za prinudnu naplatu	VRSTA DUGA/KM			Ukupan iznos duga/KM
			Glavni dug	Naknadni teret prinude	Kamata	
1	0807	02/5-1/II-16/85-5537/08			1.036,70	1.036,70
2	0808	02/5-1/II-16/85-6454/08	5.912,00		1.664,00	7.576,00
3	0809	02/5-1/II-16/85-7333/08	6.068,00		1.598,00	7.666,00
4	0810	02/5-1/II-16/85-8237/08	5.428,00		1.329,00	6.757,00
5	0811	02/5-1/II-16-85-9157/08	6.351,00		1.440,00	7.791,00
6	0812	02/6-1/II-16-197-313/09	6.509,00		1.355,00	7.864,00
7	0901	02/6-1/II-16-197-1484/09	5.705,00		1.082,00	6.787,00
8	0902	02/6-1/II-16/197-2597/09	4.767,00		824,00	5.591,00
9	0903	02/6-1/II-16-197-3639/09	12.221,00		1.884,00	14.105,00
10	0904	02/6-1/II-16-197-4789/09	3.400,00		461,00	3.861,00
11	0905	02/6-1/II-16-197-5871/09	5.384,00		633,00	6.017,00
12	0906	02/6-1/II-16-197-6959/09	6.020,00	90,60	600,00	6.710,60
13	0907	02/6-1/II-16-197-7998/09	6.165,00	616,50	499,00	7.280,50
14	0908	02/6-1/II-16-197-9033/09	5.954,00	595,40	372,00	6.921,40
15	0909	02/6-1/II-16/197-10083/09	6.027,00	602,70	268,00	6.897,70
16	0910	02/6-1/II-16-197-11148/09	6.550,00	655,00	169,00	7.374,00
17	0911		5.983,00		47,00	6.030,00
UKUPAN DUG			98.444,00	2.560,20	15.261,70	116.265,90

Na osnovu člana 3. stav 1. i 3. Instrukcije o postupku uvođenja posebne šeme dužnika Grupi za reviziju i kontrolu RC Tuzla dostavljena je inicijativa za kontrolu poreznog obveznika – dužnika sa aspekta procjene kategorija iz člana 5. iste Instrukcije.

Kontrolom koja je obuhvatila sve porezne periode od 01.01.2006. do 30.09.2009. godine utvrđene su činjenice koje nesumnjivo ukazuju na potrebu i opravdanost uvođenja posebne šeme ovog dužnika a posebno iz sljedećih razloga:

- prema izvršenom uvidu u bilans uspjeha poreskog obveznika – dužnika utvrđeno je da je isti ostvario prihode od prodaje i to:

- za period 01.01.-31.12.2006. godine ukupan prihod od 1.367.457,00 KM
- za period 01.01.-31.12.2007. godine ukupan prihod od 1.006.835,00 KM
- za period 01.01.-31.12.2008. godine ukupan prihod od 1.152.147,00 KM
- za period 01.01.-30.06.2009. godine ukupan prihod od 581.445,00 KM

- u postupku kontrole poreski obveznik je dao na uvid ugovore o kreditima s otplatnim planovima i to:

- Ugovor o kreditu broj 6749/06 od 28.12.2006. godine zaključen sa UPI bankom d.d. Sarajevo, filijala Gračanica na iznos od 5.189.275,06 KM sa rokom otplate od 10 godina i
- Odluku o preugovoravanju uslova i načina povratka kredita putem sudske nagodbe broj: 1552-VI/07 od 13.02.2007. godine kojom se odobrava reprogramiranje kredita Investicijske banke Federacije BiH d.d. Sarajevo iznosa od 3.342.925,89 KM sa rokom otplate od 10 godina

Na osnovu utvrđenih činjenica saglasno odredbama člana 6. stav 1. a primjenom člana 8. stav 1. Instrukcije o postupku uvođenja posebne šeme dužnika Grupa za prinudnu naplatu RC Tuzla je dana 19.11.2009. godine dostavila poreskom obvezniku - dužniku KOKAPRODUKT d.o.o. pismo namjere, protokolirano pod brojem:02/6-1/II-07-1-01/09-1 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbijedi adekvatnu garanciju za plaćanje duga, kako je propisano odredbom člana 128. stav 1. i 2. Pravilnika o primjeni Zakona o porezu na dodanu vrijednost. U pismu namjere dužniku je ukazano na obaveze koje mu se stavljaju na teret uvođenjem u postupak posebne šeme, shodno odredbama člana 128. stav 3. Pravilnika o primjeni Zakona o porezu na dodanu vrijednost. Kako obveznik u ostavljenom roku nije uplatio dug ili obezbijedio adekvatnu garanciju za plaćanje duga, a dug se i dalje uvećavao u proteklih 30 dana odlučeno je da se na ovog obveznika primijeni posebna šema radi obezbjeđenja naplate duga. Pri donošenju odluke o uvođenju posebne šeme dužnika Grupa je odlučnim činjenicama cijenila: iznos duga koji se neprekidno uvećava, iznose kredita i obaveze dužnika prema bankama i svojim dobavljačima u odnosu na njegova nesrazmjerno manja potraživanja, rizik naplate poreza na dodanu vrijednost iz imovine dužnika jer je na zaplijenjenoj nepokretnoj imovini dužnika upisana zakonska hipoteka i založno pravo a sve u cilju obezbjeđenja naplate duga prema drugim povjericima, historijat ponašanja dužnika za sve protekle četiri godine. Kako je kontrolom poslovanja dužnika utvrđeno da isti ima milionske dugove po osnovu ugovora usljed čijih izmirenja može doći i do nesolventnosti pravnog lica, to je nespornim utvrđeno da je opravdano i neophodno uvođenje posebne šeme dužnika, pa je iz tih razloga odlučeno kao u dispozitivu ovog rješenje.

Primalac isporuke - kupac plaća iznos PDV-a direktno Upravi i to do 5. u mjesecu za prethodni poreski period gdje u polju „broj poreskog obveznika“ unosi PDV broj KOKAPRODUKT d.o.o. Gračanica i to: 209268210009.

Odredbom člana 66. Zakona o porezu na dodanu vrijednost propisano je da se odluka o uvođenju posebne šeme ne može primjenjivati na bilo kog primaoca isporuke – kupca prije njenog objavljivanja te je ovim rješenjem određeno da se ista ima primjenjivati od dana objavljivanja u Službenom glasniku BiH.

Shodno odredbama člana 128. stav 4. Pravilnika o primjeni Zakona o porezu na dodanu vrijednost, ovo rješenje će biti objavljeno u „Službenom glasniku BiH“ i tri najčitanije dnevne novine, a isto je poreski obveznik – dužnik obavezan istaći u poslovnim prostorijama na vidno mjesto zajedno sa uvjerenjem o registraciji za PDV.

Odredbom člana 137. stav 1. Zakona o postupku indirektnog oporezivanja („Službeni glasnik BiH“, broj 89/05), žalba ne odlaže izvršenje rješenja.

Pouka o pravnom lijeku

Protiv ovog Rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom taksirana sa 10 KM administrativne takse u skladu sa tarifom Zakona o administrativnim taksama BiH („Službeni glasnik BiH“, broj 16/02,19/02,43/04,8/06 i 24/06).

Dostavljeno:

1. KOKAPRODUKT d.o.o. Gračanica
2. Grupa za reviziju i kontrolu
3. Sektor za poslovne usluge
Odsjek za upravljanje dugom (6x)
4. Grupa za prinudnu naplatu



Šef Grupe za prinudnu naplatu

Selma Salihović
Selma Salihović